

3 Jowãw

Gajo hã Jowãw ma erih do hahỹyh

¹ Ỹ, Jesus hã h'yy ka'eeh do sa wahë n'aa ỹ ramaneëenh doo, ỹ edëng òm Gajo. Baad òm ỹ kamahãn.

² Ỹ karën paawä baad a h'yyb P'op Hagä Do wë, najis ỹỹ. Ỹ karën paawä dooh manahëë nyy bä.

³ Tak'ëp ỹ tsebee wäd kãn ỹ ky n'aa napäh do hyb n'aa a ky n'aa ër wakããn Jesus hã h'yy ka'eeh do wób raher'oot doo. Baad had'yyt mä mabawät baad hadoo do ky n'aa metëeh doo da, sa nooh. Dooh m' mah'yy gajëë hõm bä ta hã, sa nooh.

⁴ Tak'ëp né hë ỹ tsebë, baad hadoo do ky n'aa metëek doo da tah haa hedoo do rababok ỹ ky n'aa napäh bä. Dooh hahỹ hadoo pé tak'ëp ỹ tsebë péh.

⁵ Najis ỹỹ, baad had'yyt hë mamasaa wät ër wakããn Jesus hã h'yy ka'eeh do baheh'ëen doo, ma metëek doo, mahep'ëeh do nado né paawä.

⁶ Ta ti raheh'oot babä Jesus hã h'yy ka'eeh do sa hã nyy da makamahãn wät sa hã. Taw'ãäts hë P'op Hagä Do gen'aak doo da mamasaa ta ti ër wakããn ramahõm me ramahũũm péh.

⁷ Ta ti rabahõm jé pad'yyt hë Jesus Kristo ky n'aa rabaher'ood hõm hyb n'aa. Dooh ragado bä dajëër hadoo doo, sa waa hadoo do P'op Hagä Do sa h'yyb gó nahapäh do sa hanaa.

⁸ Ti hyb n'aa, taw'ãäts hë ër gadoo ta ti hedoo do ër tób yt hã, taw'ãäts hë ër masa sa hã. Tii

da ər adoo bā, ər masa baad hadoo do ky n'aa ramaher'ood hōm do hā.

⁹ Jesus hā h'yy ka'eeh do bē panang bā habong do ŷ ma erii wāt. Ti hadoo né hē, ta ti Dijoteréh, sa bahānh karēn do nu gadāk doo, dooh ŷ taky dahé bā.

¹⁰ Ti hyb n'aa, bē ŷ bahehēen bā ŷ naēen da ŷ nabuuj gedoo hyb n'aa nesaa do tamoo wāt do hyb n'aa, āā tanu mer'oot do hyb n'aa, āā taky n'aa rejāā do hyb n'aa. Hajōng baad nadoo do tamoo wāt doo. Dooh tagado bā ər wakāān Jesus hā h'yy ka'eeh do heh'ēen doo. Ta wób rakarēn paawā ragadoo, tameduuk raganadoo hyb n'aa. Jé gadoo do tah'eed h'ũm Jesus hā h'yy ka'eeh do sa mahānh.

¹¹ Najis ŷŷ, taw'āāts hē hanām do mamoo wāt. Mamoo wād manā nesaa doo. Baad hadoo do moo wāt doo, P'op Hagā Do karapee né hē tii. Nesaa do moo wāt doo, dooh P'op Hagā Do tahapēē bā ta h'yyb gó.

¹² Taw'āāts hē mamasaa Demeet. Jé pad'yyt hē raj'aa etsē ta hā, baad tabawāt do hyb n'aa. Baad hadoo do ky n'aa metēek doo da tabawāt. Baad ub tabawāt ta ti tametēeh. Āā hā na-āāj né hē, baad āā hā tabawāt. Mahapāh né hē, āā ehuh né hē āā her'oot doo. Ti hyb n'aa taw'āāts hē mamasaa.

¹³ Ti anāng nā hajōng nā ōm ŷ maher'oot do pan'aa. Dooh ŷ karēn bā ŷ erih doo gó ōm ŷ maher'ood bā.

¹⁴ ŷ karēn paawā nyyw hē ōm ŷ bahehēen. Tii bā ər ber'oot.

¹⁵ ŷ karēn h'yyb nyyw gó baad mabawāt. Ēr najiis babā habong do ōm rahyb n'aa esee mäh. Sét

ken'yyh mamaher'ood ÿ kedëng najis haa t'ĩĩ hēnh
habong do hã. Jããm hē kã.

Pop Hagä Do Panyyg Hanäm Do Hahÿÿh
The New Testament in the Nadëb language of Brazil
(BR:mbj:Nadëb)

O Novo Testamento na língua Nadëb do Brasil

copyright © 2011 Wycliffe Bible Translators, Inc.

Language: Nadëb (Nadëb)

Translation by: Wycliffe Bible Translators

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nadëb

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-29

PDF generated using Haiola and XeLaTeX on 18 Apr 2025 from source files
dated 31 Aug 2023
c5681c4e-55f8-5b64-badf-af07c5e28afc